
"Made in Uzbekistan" II Халқаро кўргазмасида Фарғона вилояти саноат ишлаб чиқарувчилари ўз маҳсулотлари билан иштирок этмоқда

Фарғона вилояти делегацияси "Ўзэкспомарказ" павильонларида ўтказилаётган "Made in Uzbekistan" Халқаро миллий маҳсулотлар кўргазмасида қатнашмоқда.

Кўргазма доирасида Фарғона вилояти учун ажратилган майдонда вилоятимизнинг 50 дан ортиқ саноат ишлаб чиқарувчилари ўз маҳсулотларини тақдим этмоқда.

Инвестициялар ва ташқи савдо вазирлиги томонидан республика вазирликлари, идоралари ва ташкилотлари билан ҳамкорликда ташкил этилган ушбу кўргазма 25 октябрь кунига қадар давом этади.

Кўргазманинг мақсади ва вазифалари – маҳаллий корхоналарнинг экспортга йўналтирилган маҳсулотларини намойиш этиш, мамлакатнинг экспорт салоҳиятини ошириш ва маҳаллий маҳсулотларнинг рақобатбардошлигини ошириш, шунингдек, хорижий ҳамкорлар билан барқарор ва узоқ муддатли ҳамкорликни ўрнатиш.

Кўргазмада иқтисодиётнинг тоғ-кон саноати, нефт-газ сектори, кимё ва фармацевтика саноати, автомобилсозлик ва машинасозлик саноати, электротехника, қурилиш саноати, тўқимачилик ва чарм-пойабзал саноати, қишлоқ хўжалиги ва озиқ-овқат саноати, шунингдек, молия муассасасалари хизматлари, халқ амалий санъати ва Ўзбекистоннинг сайёҳлик салоҳияти намойиш этилмоқда.

Кўргазма доирасида миллий иқтисодиёт тармоқларининг экспорт салоҳияти тақдимоти, тайёр тўқимачилик маҳсулотларининг мода намойиши ўтказилади.

2019-10-24 15:57:19